

Naalakkersuisut siulittaasuat

Landsstyreformanden



Inatsisartunut ilaasortaq Hr. Anthon Frederiksen
c/o Inatsisartut allattoqarfiat
Maani

Paragraf 36, imm. 1 naapertorlugu apeqqummut nr. 2008-80-imut akissut

Inatsisartut suleriaasianni § 36, imm. 1 tunngavigalugu 8. september 2008 allakkatigut Naalakkersuisunut apeqquteqarputit, aalisartut qanoq ilillutik Royal Greenland A/S-ip akiitsuinut akilersueqataanersut.

Apeqquteqaat aallaaveqarpoq Namminersorneq pillugu paasisitsiniaalluta Uummannami ataatsimiititsinitinni, KNR-ikkut toqqaannartumik aallakaatinneqartumi uanga oqaaserisannik.

Apeqquteqaat matumuuna akissuteqarfigissavara.

Apeqqut:

Kalaallit Nunatsinni Aalisartut Royal-ip akiitsuinut qanoq ilillutik akilersueqataappat?

Akissut:

Aalisakkat qaleruallillu, tassunga ilaallutik raajat, kalaallit aalisartuinit pisarineqartartut annertunersaat tulaassuisussaataitanermik piumasaqaatitaqarput.

Tulaassuisussaataitanerup kingunerisaanik, aammalu Royal Greenland A/S-ip saniatigut ingerlatseqatigiiffiit ikittuararsuit nunami nioqqutissiorfinnik ingerlataqarnerisa kingunerisaanik, aalisartortagut Royal Greenland A/S-ip saniatigut annikitsuinnarnik pisaminnut tuniniaaffissaqarput. Taamaattumillu KNAPK-p tulaassuinermini akigitinneqartussanik isumaqatigiinniartarnermini Royal Greenland A/S-ip saniatigut ataatsimut isigalugu allamik periarfissaqanngilaq.

Royal Greenland A/S-ip aalisartut pisaannut pisiaminut akiliisinnaassusia ilaatigut suliffeqarfissuup akiligassatigut pisussaaffiinik killilersorneqarpoq. Soorunami nunarsuarmi niuernermini akigitinneqartut pissutsillu allat aamma suliffeqarfissuup akigitissinnaasaminik isumaqatigiissuteqartarneranut akillu qaffasinnerusinnaanerannut aamma sunniuteqarput.

Oqaaserisakka imatut paasineqassapput; Aalisartut Royal Greenland A/S-ip akiitsuinut akileeqaatasarnerat aalisakkat pisiarineranni akigititat appasinnerisigut

6. oktober 2008
Sags nr.
2008-011662
Dok. nr. 96545
Postboks 1015
3900 Nuuk
Oq/tel +299 34 50 00
Fax +299 32 50 02
govsec@gh.gl
www.nanoq.gl

Royal Greenland A/S imminut akilersinnaasumik ingerlatsisinnaasoq, taamalu akiitsuminik akilersuisinnaalluni.

Innuttaasunik ataatsimiititsinermi oqaaserisakka imatut isumaqartippakka, aalisartut toqqaannangikkaluamik Royal Greenland A/S-ip akiitsuinut akilersueqataasut.

Kisiannili arlalinnik aalisartut naammagittaalliortarput soorlu raajartagut kiilut inortillugit imaluunniit sekunda-nngorlugit akilerneqartarput?

Aammalu qaleralinniat ilaat akisunerusumik tunisisarput, assartuinerlut tapernerqartaramik, taava kikkut akilertarpaat tassalu aalisartut allat akikinnerusumik tunisaqartartut?

Soorunami akiitsut Royal Greenland A/S-ip nammineq akisussaaffigai, namminerlu akilersortussaallugit, taamaammallu aalisartut inatsisitigut pisussaaffeqanngillat akilersuinissaminut.

Inussiarnersumik inuulluaqqusillunga

Hans Enoksen